

# B E D Æ A N G L O -

## S A X O N I S D E N A T V R A

### R E R V M L I B E R.

A R G V M E N T V M

*Naturas rerum uarias, labentis & æui,  
Perstrinxi titulis tempora lata citis.*

#### D E Q V A D R I F A R I O O P E R E D E I.

##### C A P V T P R I M V M.



P E R A T I O diuina, quæ secula creauit & gubernat, quadri-formi ratione distinguitur. Primo, quod hæc in uerbi dei dispensatione non facta, sed æterna sunt : qui nos, Apostolo teste, ante tempora secularia prædestinauit in regnum. Secundo, quod in materia informi pariter elementa mundi facta sint, ubi qui uiuit in æternum, creauit omnia simul. Tertio, quod eadem materies, secundum causas simul creatas, non iam simul, sed distinctione sex primorum dierum in cœlestem, terrestremque creaturam formatur. Quarto, quod ex eiuſdem creaturæ feminibus, & primordialibus causis totius seculi tempus naturali curſu preagitur, ubi pater usque nunc operatur & filius, ubi etiam coruos pascit, & lilia uestit deus.

#### D E M V N D I F O R M A T I O N E. C A P. I I

I N ipſo quidem principio conditionis facta sunt cœlum, terra, angeli, aër & aqua de nihilo. Die autem primo lux facta est, & ipſa de nihilo. Secundo, firmamentum in medio aquarum. tertio, species maris & terræ, cum eis quæ terræ radicitus inhærent. Quarto, luminaria cœli de lumine primo die facta. Quinto natatilia & uolatilia de aquis. Sexto reliqua animalia de terra, & homo : carne quidem de terra, anima uero de nihilo creatus : qui in Paradiso, quam dominus a principio plantauerat, constituitur. Septimo dominus requieuit, non a creaturæ gubernatione, cum in ipſo uiuamus, moueamur, & ſimus, sed a nouæ substantiæ creatione.

*Requies dei  
septimo die.*

#### Q V I D S I T M V N D V S. C A P. I I I

M V N D U S est uniuerſitas omnis, quæ constat ex cœlo & terra, quatuor elementis in speciem orbis absoluti globata : Igne, quo ſydera lucent: aëre, quo cuncta uiuentia ſpirant : quis, quæ terra cingendo, & penetrando comuniunt : atque ipſa terra, quæ mundi media atque ima, librata uolubili circa eam uniuerſitate pendet immobilis. Verum Mundi nomine etiam cœlum a perfecta absolutaque elegantia uocat : Nam & apud Græcos ab ornatu κόσμος appellatur.

*Mvndvs ab  
elegantia.*

#### D E E L E M E N T I S. C A P. I I I I

E L E M E N T A ſibiſmet ſicut natura, ſic etiam ſitu differunt. Terra enim ut grauiffima, & quæ ab alia natura ſufferri non poſſit, imum in creaturis obtinet locum. Aqua uero quanto leuior terra, tanto est aëre grauior : Qui ſi forte aquis in uafe aliquo ſubdatur, ſtatim ad ſuperiora ut leuior euadit. Ignis quoque [a materialiter]